

OCHIQ DARSLARNI O'TKAZISH VA OCHIQ DARSNI TAHLIL QILISH METODIKASI

Dang'ara tuman 2-son

kasb-hunar maktabi o'qituvchisi:

G. Shoyusupova

Bugungi globallashuv jarayonida o'qituvchilik kasbiga e'tibor kundan kun ortib bormoqda. Ta'lim tizimini tubdan yaxshilash va zamonaviy pedagogik texnologiyalarni joriy etish zamon talabi bo'lmoqda. Buning uchun esa muallimlar o'zlarining ustida yanada ko'proq ishlashlari talab etilmoqda. Bu yo'lda ochiq darslarni o'tkazish tajribali o'qituvchilarning ishlarini ommalashtirish yosh ustozlar uchun ko'mak hisoblanadi.

Ochiq darslarning maqsadi yana shundan iboratki, darsni ilmiy asosida tashkil etish ta'lim mazmunini ta'minlashda yuqori bilim saviyasiga eirishishni namoyish qilish, ta'lim-tarbiyaviy jarayonda ilg'or shakl va uslublardan real foydalanishni tashkil etish didaktik va ko'rgazma vositalaridan optimal foydalanish tizimini yaratishdan iboratdir. Ochiq darsning asosiy maqsadi o'qituvchining dars o'tishdagi ilg'or tajriba va uslublarning samaradorligini ko'rsatish va uni ommalashtirishdir.

Ochiq dars, odatda ikki akademik soatga mo'ljallanadi. Ma'ruzachi savol va javoblar uchun kamida **5- daqiqa** vaqt zahirasiga ega bo'lishi tavsiya qilinadi.

Ma'ruza mavzusi, uslubi, texnik vositalari ma'ruzachi tomonidan ixtiyoriy tanlanadi. Ochiq dars o'tkazilishi haqidagi axborot, kasb-hunar maktablarida bir hafta oldin e'lon qilinadi. E'londa ochiq dars mavzusi, ma'ruzachining familiyasi, ismi-sharifi, ilmiy darajasi, unvoni va toifasi hamda ochiq darsni o'tkazish kuni, joyi va vaqti ko'rsatiladi.



Ochiq darsga boshqa kasb-hunar maktablaridan tajribali o'qituvchilar, korxonalarning yuqori malakali mutaxassislari taklif etilishi mumkin. Ochiq darsda

ushbu darsni tashkil etayotgan kafedraning yosh pedagoglari, magistrantlarining qatnashishi tavsiya etiladi.

Darsning rejasi o'qituvchi tomonidan tuziladi hamda kafedraning e'tiboriga havola qilinadi. Ochiq darslarning rejasini tuzishda, darslarning barcha turlarida samaradorligiga erishish o'quv jarayonini vositalariga ahamiyat berish talab qilinadi. Ochiq darslarni o'tkazish rejasi kasb xunar maktabida direktori yoki uning o'quv ishlab chiqarish ishlari bo'yicha o'rinbosarlari tomonidan tasdiqlanadi. O'quv adabiyotlarida kam yoritilgan yoki uddalashtirilishi qiyin bo'lgan mavzularga ko'proq e'tibor qaratish lozim.

Ochiq darsning muhokamasi kafedra majlislari bayonnomasida qayd etiladi. Ochiq dars haqidagi tashqi taqriz va fikr-mulohazalar yozma ravishda muassasa rahbariyatiga yuboriladi va kafedra majlisida va ilmiy-pedagogik kengashda muhokama etilib, tegishli xulosalar chiqariladi. Ochiq darsni baholashda ilg'or texnologiyalar joriy etilgan yirik korxonalardan taklif etilgan mutaxassislar, oliy ta'lim muassasalari professor-o'qituvchilari va mutaxassislarining taqrizlari asosiy hisoblanadi. O'quv jarayonini tashkil qilishda asosiy shakli dars hisoblanadi.